

18 (411)

30.05.2015

Հրատարակվում է
1999թ. սեպտեմբերից

Ճանաչել գիմաստությունն եւ գիտարար, իմանալ զբանս հանճարոյ

ԼՍԱՐԱՐ

Лусарар

ԳԻՏԱԿՐԹԱԿԱՆ ԹԵՐԹ

Lusarar

ՑՏԵՍՈՒԹՅՈՒՆ, ԴՊՐՈՑ, ՈՂՋՈՒՅՆ, ՆՈՐ ԿՅԱՆՔ




տության քաղաքացի լինելու բարձր կոչումը:

ԼՂՀ վարչապետ Ա. Հարությունյանը անթաքույց խանդավառությամբ արտահայտվեց շրջանավարտների մասին՝ ասելով, որ որևէ մի երկրում չես գտնի այսքան գեղեցիկ պատանիներ: Նրան նաև ոգևորել էին շրջանավարտների ձեռքբերումները: Նա հիշեց 1990 թվականը, երբ ինքն էր ավարտում դպրոցը: Հայոց լեզվի քննության թեման էր «Կաթիլ փարան չմոռանաս», որի իմաստն այն է, որ զավակը պետք է իր ամբողջ կյանքում կատարի պարտքը ծնողի հանդեպ: Նաև հիշեցրեց, թե երկրի համար ինչ ծանր պայմաններում են այսօրվա շրջանավարտները կրթվել: «Բայց հայրենիքը ամեն ինչ արել է, որ ունենաք նորմալ պայմաններ: Միշտ հիշեք, որ ձեր հաջողությունները պայմանավորված են հայրենիքով»,-ասաց նա:



Դպրոցական Վերջին զանգը ավանդաբար նշվում է տոնական հնչողությամբ: Օրվա հերոսների՝ շրջանավարտների ուրախությունն ու հուզմունքը նրանց ընտանիքների, ուսուցիչների հետ միասին կիսում է հասարակությունը: Վերջին զանգի արարողությանը մասնակցում են իշխանության թևերի, հասարակական, քաղաքական ոլորտների ներկայացուցիչներ: Կյանք մտնող նոր սերնդից յուրաքանչյուրի ակնկալիքը մեծ է:

ԼՂՀ կրթության և գիտության նախարար Ս. Ասրյանը, ի դեմս հ. 11 դպրոցի շրջանավարտների, շնորհավորեց Արցախի, մայր Հայաստանի և Սփյուռքի կրթօջախներին՝ 2014-2015 ուսումնական տարվա Վերջին դասի կապակցությամբ: Նա շնորհակալություն հայտնեց բոլոր ուսուցիչներին՝ արդի մարտահրավերներին դիմակայելու պատրաստ պատանիներ կյանք ուղարկելու համար, որոնք պատրաստ են իրենց գիտելիքները, կարողություններն ու հմտությունները ի սպաս դնել մեր երկրի զարգացմանը:



Մայիսի 23-ին Արցախի հանրակրթական դպրոցների 12-րդ դասարանի 1255 շրջանավարտներ հրաժեշտ տվեցին հարազատ կրթօջախներին: Ստեփանակերտի Վ. Ջհանգիրյանի անվան հ. 11 ավագ դպրոցի Վերջին զանգին ներկա էին ԼՂՀ վարչապետ Արայիկ Հարությունյանը, կրթության և գիտության նախարար Սլավա Ասրյանը, պետական այլ այրեր: Որպես ավագ դպրոց՝ կրթօջախը տվեց իր չորրորդ թողարկումը: Ձինվորական նվազամասի հնչյունների ներքո, ծափողջուրներով հրապարակ են մտնում շրջանավարտները՝ հունամիտար և բնագիտամաթեմատիկական վեց հոսքերի 165 աշակերտները, որոնց հոտընկախ են դիմավորում պատվավոր հյուրերը: Հաղորդավարը մեկ ամ մեկ նշում է նրանց ձեռքբերումները. թվարկումը հաճելիորեն երկար է տևում: Նրանց մեջ են առարկայական օլիմպիադաների, ստեղծագործական մրցույթների, մարզանշակության ոլորտների մրցանակակիրները, եվրոպայի և աշխարհի առաջնություններում հաղթողները: Բոլորի դեմքերին փայլում են ուրախությունն ու հպարտությունը:

ԼՂՀ ԱԺ պատգամավոր, Արցախի հերոս ժաննա Գալստյանը շրջանավարտներին ուղղված իր խոսքում մաղթեց, որ նրանք ունենան կյանքի դժվարությունները հաղթահարելու արցախցու բոլոր համառությունը և միշտ տոգորված լինեն հայրենիքի սիրով:



Պահն ազդեցիկ էր: Հանդիսավորությամբ հրապարակ է բերվում ԼՂՀ պետական դրոշը, հնչում է Արցախի հիմնը: Բոլորը ծայնակցում են: Հարգանքի ու երախտագիտության առաջին խոսքն ուղղվում է նրանց, ովքեր իրենց կյանքի գնով ապահովեցին այսօրվա խաղաղ օրը: Շրջանավարտները ծաղկաշղթա են տեղադրում Փառքի սրահում: Ոչինչ չի մոռացվել...ստորի դանշական զանգի կողքին «Հիշում են և պահանջում» պատառն է: Շրջանավարտները երգում են թախծալի «Կիլիկիա» երգը, որին անմիջապես հաջորդում է հպարտություն ներշնչող «Հայաստան»-ը: Ամեն ինչ հասկանալի է:

Շրջանավարտների դասուցների անունից Իրա Սարինյանը վստահություն հայտնեց, որ նրանք իրենց ստացած գիտելիքներով, կարողություններով, հայրենասիրությամբ ու պահանջատիրությամբ ակնառու ներդրում կունենան մեր ժողովրդի ու հայրենիքի գալիք հաղթանակներում:



Դպրոցի տնօրեն Արմա Գիրգորյանը շնորհավորում է շրջանավարտներին՝ Վերջին դասի կապակցությամբ: Նրանք փակում են դպրոցական կյանքի էջը և բացում նոր էջ, որտեղ նրանցից պահանջվելու է լինել ավելի լուրջ, ավելի պատասխանատու: Տնօրենը շնորհակալություն է հայտնում շրջանավարտներին այն բանի համար, որ որպես ավագ դպրոց ընտրել են այս կրթօջախը, բարձր են պահել նրա պատիվը տարբեր մրցույթներում, հաջողություն մաղթեց առաջիկա քննություններում՝ պատգամելով հպարտ կրել Լեռնային Դարաբաղի Հանրապետության անունը:

Շրջանավարտի պապ, հանրապետության վաստակավոր մանկավարժ, Արցախյան շարժման առաջամարտիկ էմիլ Բալայանը իր թոռան օրինակով հաճելիորեն զարմացած էր այսօրվա մանկավարժների նորարարությամբ, նոր սերնդի ինքնուրույն մտածողությամբ: Պատգամեց իր սերնդի կողմից ձեռք բերված մեր երկրի անկախությունը ամուր պահպանել:

Մթնոլորտը լի էր փոխադարձ սիրո խոստովանության պահերով: Աշակերտական կոլեկտիվների անունից շրջանավարտները իրենց երախտագիտությունը հայտնեցին ուսուցիչներին՝ իրենց կատարած աշխատանքի համար՝ ասելով, որ նրանք իրենց համար եղել են փարոս և ուղեմիշ, որ նրանք առաջնորդել են իրենց գիտելիքների խորացման դժվարին ճանապարհին, միասին հաղթահարել են բազմաթիվ խնչընդոտներ, ուրախացել ու հպարտացել իրենց հաջողություններով:

Հանդիսության յուրաքանչյուր դրվագ համեմված էր հայրենասիրական երգով-պարով, իսկ ամենահուզիչը դպրոցական վալսն էր, որն ավանդաբար դարձել է Վերջին զանգի խորհրդանշանը: Բայց նոր սերունդը նաև իր սեփական խորհրդանշան էր ունի, և շրջանավարտներից մեկի հայրենասիրական երգի զիլ հնչյունների ներքո հրապարակվում ծայր է առնում ազգային շուրջապարը:

Միջոցառման եզրափակիչ ակորդը տալիս են Վերջին զանգի հնչյունները՝ ազդարարելով:

- Ցտեսություն, դպրոց, ողջուն՝ յն նոր կյանք:

Ս. ԽԱՅԱՏՐՅԱՆ

ՇՐՋԱՆԱՎԱՐՏ-2015

ՎԵՐՋԻՆ ԶԱՆԳ, ԳՊՐՈՋԱՎԱՆ ԿՅԱՆՔԻ ՎԵՐՋԻՆ ՀԻՇՈՂՈՒԹՅՈՒՆ

...Եվ այսպես, գնում ենք մեզ գտած, Երգելով մեր հայրենն ու տաղը, Եվ մեր այս երթի մեջ սրընթաց Մեզ հետ են մեր երեկն ու վաղը.....

Վերջին զանգ: Յուրաքանչյուրս ապրել է այդ պահը, այդ սպասված զանգ քաղցր, բայց և ցավով հնչած դողանքները, որ իրենց հետ բերում են հակասական զգացումներ՝ ուրախության և տխրության: Օրվան յուրահատուկ ձևով են պատրաստվում բուլլորը, տոնականորեն, քանի որ յուրաքանչյուրը դրա մեջ իր բաժին տոնն է տեսնում: Այդ օրը միմյանց շնորհավորում են ուսուցիչներն ու աշակերտները, ծնողները, քանի որ այդ պահին հասնելու համար յուրաքանչյուրն իր ներդրումն է կատարել, իր ավանդն ունի նրանում:

Այս տարի Վերջին զանգի տոնակատարությունը Մարտունու շրջանում տեղի ունեցավ 36 դպրոցների 9-րդ դասարանի 230 և 12-րդ դասարանի 224 սովորողների համար:



Մարտունու Նելսոն Ստեփանյանի անվան հ.1 հոսքային միջնակարգ դպրոցը տոնական տրամադրության ու բազմերանգ զույների մեջ էր: 2014-2015 ուսումնական տարում դպրոցը թողարկում էր հունամիտար, բնագիտական և ընդհանուր հոսքերի երեք դասարան՝ 44 շրջանավարտներով: Ներկա էին շրջավարտական ղեկավարի տեղակալներ Ս.Սեյրանյանը, Է.Բարսեղյանը, Արցախի թեմի փոխառաջնորդ Տեր Սահակ վարդապետ Շաքարյանը, Մարտունու քաղաքապետ Մ.Խաչատրյանը և այլ պաշտոնատար անձինք, հյուրեր, շրջանավարտների ծնողներ, բարեկամներ: Յուրաքանչյուրը եկել էր իր սրտի խոսքն ասելու, բարի, կանաչ ճանապարհ մաղթելու հատուկությամբ և ինքնուրույնության ուղին բռնած երեխաներին:

Մինչ բուն միջոցառման սկսելը՝ շրջանավարտները ծաղիկներ խոնարհեցին Նելսոն Ստեփանյանի կիսանդրու, Մավր Օհանյանի խաչքար-հուշադրուրի և դպրոցի Փառքի սրահի պատվանդաններին՝ որպես հարգանքի, խոնարհումի և երախտիքի արտահայտություն:

Տոնական միջոցառմանը շնորհավորանքի խոսքով հանդես եկան ավարտական դասարանների դասղեկներ Լ.Ղազարյանը, Ի.Չայրապետյանը և Կ.Գասպարյանը: Նրանք սիրով ու գորովանքով ներկայացրին իրենց սաներին, որոնց համար ուսուցիչ լինելուց բացի լավ ընկեր էին, բարի խորհրդատու, ուղղություն տվող, անհրաժեշտության դեպքում՝ նաև նախատող ու խիստ դաստիարակ:

Դպրոցի տնօրեն Կ.Պողոսյանն իր շնորհավորանքի խոսքում մանրամասն ներկայացրեց ուսումնական տարում կատարված աշխատանքները, ինչպես նաև շրջանային և հանրապետական

օլիմպիադաներում ունեցած ձեռքբերումները, որտեղ զգալի է շրջանավարտների դերը և օլիմպիադաներում առաջնային տեղեր գրաված ու ակտիվ մասնակցություն ունեցած երեխաներին հանձնեց համապատասխան դիպլոմներ և պատվոգրեր: Մաղթեց նրանց կյանքում հանդիպող յուրաքանչյուր դժվարություն հաղթահարել արժանապատվորեն: Դպրոցական վերջին զանգը ավետիս համարեց և հույս հայտնեց, որ դպրոցի ուսուցիչների և տնօրինության բոլոր հույսերն իրենց հետ կապված՝ անպայման կարդարացնեն:

Շրջվարչակազմի ղեկավար Ն.Սողոմոնյանի՝ շրջանավարտներին ուղղված շնորհավորանքի ուղերձը կարդաց նրա տեղակալ Ս.Սեյրանյանը. «Դուք այն սերունդն եք, որ ծնվել էք ազատագրված հայրենիքում, քայլել ու

հասակ եք առել արդեն անկախ Լեռնային Ղարաբաղի Հանրապետությունում: Հրաժեշտ տալով դպրոցական կյանքին՝ դուք բախում եք կյանքի երկրորդ փուլի դռները, որոնք, վստահ են, ոչ հեշտությամբ, բայց հաստատ կբացվեն ձեր առաջ: Սրտանց շնորհավորում են ձեզ՝ դպրոցն ավարտելու և մեծ կյանքի հորձանուտ մտնելու առթիվ: Այսօրվանից սկսվում է ձեր կյանքի նոր շրջանը, և այն, ինչ ստացել եք դպրոցում՝ որպես գիտելիք, ունակություն և կարողություն, գալիք տարիներին զգալու եք, որ դրանք կարևոր են եղել: Այսօր տոն է նաև ձեր ուսուցիչների համար: Նրանց անխնայ աշխատանքի շնորհիվ դուք կյանք եք մտնում անհրաժեշտ գիտելիքներ ստացած և լի եք վճռականությամբ՝ հաղթահարելու ցանկացած խոչընդոտ: Դպրոցական Վերջին զանգի կապակցությամբ շնորհավորում են նաև ձեր ծնողներին: Այս հիշարժան օրը ձեզ կանաչ ճանապարհի ու երազանքների իրականացում են մաղթում: Մաղթում են, որ արժանի լինեք այսօր մեր երկրի սահմանները պաշտպանող և Արցախի պատիվը բարձր պահող սերունդին: Համոզված են, որ դուք կկարողանաք պատվով կատարել և պետականաշինության, և մեր երկրի տնտեսության զարգացման գործը: Վստահ են, որ կլինեք ձեր հայրերի, եղբայրների արժանի հետնորդները, անառիկ կպահեք հայրենիքի սահմանները: Ձեր շնորհիվ ավելի կհարստանա ու կզեղեցկանա մեր ազատ, անկախ հայրենիքը»,- նշված էր ուղերձում: Ս.Սեյրանյանն իր կողմից և շնորհավորեց օրվա հերոսներին՝ մաղթելով,

որ ինչ ճանապարհ ընտրելու լինեն՝ նրանց ուղեկցի հաջողություները:

Շնորհավորանքի և բարեմաղթանքի խոսքերով ելույթներ ունեցան նաև Մարտունու քաղաքապետ Մ.Խաչատրյանը, շրջանավարտների առաջին ուսուցիչներ Մ.Սանգասարյանը, Գ.Գրիգորյանը, շրջանավարտի ծնող, շրջանի տարածքում տեղակայված գործարաններից մեկի հրամանատարի ԱՀՏԱԳ տեղակալ Մ.Սարգսյանը, Պաշտպանության բանակի ավագ սերժանտ Ա.Խաչատրյանը: Յուրաքանչյուր խոսք շաղախված էր ապագայի հանդեպ հավատի ու պարտավորեցման խոսքերով: Հասուն կյանքը մարդուց պահանջում է լինել պատասխանատու, ավելի լուրջ և գիտակից, ուստի կյանքի նոր փուլ մտնելով՝ կարևոր է, որ լինեն նրան պատասխատու և գիտակից: Բայց ամենակարևորը հայրենապաշտությունն է, որ պիտի առաջնորդի յուրաքանչյուրին՝ լինել սեփական երկրի, ժողովրդի պաշտպանն ու ապագան կերտողը, ապահով ապագայի ամուր հեմարանը:

Շրջանավարտներին բարեմաղթանքի և օրհնանքի խոսք ասաց Տեր Սահակ վարդապետ Շաքարյանը: Նշեց, որ 21-րդ դարը մեր թողարկվող սերունդը կարող է իր գիտելիքների և կարողությունների շնորհիվ հայ ժողովրդի համար դարձնել ոսկեդար, ինչպես Մեսրոպ Մաշտոցը ժամանակին՝ հայտնաբերել էր գյուտը: Կա մեծ պատասխանատվություն և պարտավորություն սեփական երկրի ու ժողովրդի առաջ, և հույս հայտնեց, որ ունեցած հարուստ գիտելիքներով կկարողանան պատվով կատարել այն:

Այդ օրը շնորհավորելու էին եկել նաև դպրոցը 5, 10, 15, 20 տարի առաջ ավարտած շրջանավարտները, ովքեր իրենց կարոտի ու բարեմաղթանքի խոսքերն ասելուց հետո նվերներ հանձնեցին հարազատ դպրոցին:

Վերջում Նելսոն Ստեփանյանի կիսանդրու մոտ շրջանավարտներին դիմավորեցին և շնորհավորանքի քաղցր խոսքերով, ծաղիկներով ու նվերներով էլ ավելի ցերմացրին նրանց օրը ծնողները, հարազատները: Ու «Քոչարու» նվագի տակ շուրջապար բռնեցին:

Բոլորի համար էլ դպրոցական Վերջին զանգը նոր կյանքի մեկնարկ է: Թող այն մեր շրջանավարտների համար լինի հաղթանակի, հաջողությունների, երջանկության, սիրո, հոգու բերկրանքի մեկնարկ: Կյանքն առանց դժվարությունների անհնար է պատկերացնել, ուստի, եթե պիտի մտահոգվեն, թող միայն մանրուքներից մտահոգվեն, թող միայն լինեն թույլ ցցումներին նման, որ կանխում են մեծ ավերածությունները:

Սիրելի շրջանավարտներ, բարի, անփորձանք, երջանիկ, թեթև երթ՝ դեպի հասուն և նոր կյանք:

Կարինե ԴԱՂԱՅԱՆ

ԹԵՎԱԿՈՒՆԵԼՈՎ ՆՈՐ ՀԱՆԳՐԿԱՆ

Վերջին զանգ...Արցունքներ, հրաժեշտի խոսքեր, անափ կարոտ, բայց նաև անթաքույց ուրախություն, սրտաբուխ ծիծաղ, հմայիչ ժպիտներ, գեղեցիկ ու սրտառուչ բարեմաղթանքի խոսքեր: Եվ տխրություն, և՛ ուրախություն՝ այս ամենը միախառնվել էին իրար և կազմել մի հրաշք երևույթ, որին սպասում է ամեն մի դպրոցական իր ուսումնառության



նոյ ընթացքում: Սպասում անհամբեր, բայց երբ գալիս է հրաժեշտի պահը, տխրում է անսահման, մինչև անգամ արցունքոտվում են աչքերը: Թախիծով համակվում ենք նաև մենք՝ ուսուցիչներս, քանզի հրաժեշտ ենք տալիս մի սերնդի ևս, ամեն օր չենք տեսնելու նրանց պայծառ ու լուսաշող հայացքները, որոնցով ոգևորվում էինք, դրական լիցքեր ստանում:

Վերջին զանգ...Խստապահանջ ուսուցիչներ, երկար թվացող դասաժամեր, կարճ դասամիջոցներ...այս ամենն այլ կերպ է ընկալվում այդ օրը: Այն ուղղորդում է դեպի նոր կյանք: Ամենասպասված ու ամենասիրելի տոն, որ սկիզբ է դնում նոր հույսերի, դժվարությունների ու նոր ձեռքբերումների: Հենց այդ օրն են աշակերտներն ամփոփում անցած տարիների բացթողունները և հասկանում, որ իրենց առջև ավելի պատասխանատու շրջան է բացվում, որից մեծապես կախված է նրանց ապագան: Խորհրդանշական օր նաև ծնողների և ուսուցիչների համար:

Վերջին զանգ... Պատասխանատու պահ և՛ ուսուցիչների, և՛ ծնողների, և՛ աշակերտների համար: Ու այդ օրվա միջոցառմանը Ստեփանակերտի հ. 6 հիմնական դպրոցի տնօրինությունը՝ փոխտնօրեն Ն. Աբրահամյանի գլխավորությամբ, և ինձերորդ դասարանի դասղեկ Վ. Ավետիսյանը նախապատրաստվել էին ամենայն լուրջությամբ:

Միջոցառումը կազմակերպվեց նորակառույց դպրոցի բակում, որը զարդարված էր տոնականորեն. ամենուր փուչիկներ, ծաղիկներ, Վերջին զանգը խորհրդանշող պաստառներ, դրոշմեր, խորհրդանշական զանգեր: Հրավիրված էին հյուրեր և՛ ԼՂՀ ԿԳ նախարարությունից, և՛ քաղաքապետարանի կրթության ու սպորտի բաժնից, և՛ ԼՂՀ ՊԲ-ից, որոնք իրենց ներկայությամբ ու բարեմաղթանքի խորիմաստ խոսքերով առավել տոնական ու հանդիսավոր տեսք տվեցին միջոցառմանը: Հուզիչ էր դպրոցի տնօրեն Վ.Ղահրամանյանի խոսքը. «Այսօր ձեր կյանքում հիշարժան օր է, դուք հրաժեշտ եք տալիս հարազատ կրթօջախին, սիրելի ուսուցիչներին և դասընկերներին: Տարիներ շարունակ դպրոցը ձեզ համար եղել է կրթման, դաստիարակման ու արժեքների ձևավորման յուրատեսակ դարբնոց:

Ուսումնառության տարիների ընթացքում դուք շրջապատված եք եղել մանկավարժների ջերմությամբ, ընկերների մաքուր և անաղարտ հարաբերություններով, ձեզ սովորեցրել են լինել ազնիվ, բանիմաց, երկրին ու հայրենիքին նվիրված քաղաքացիներ: Վստահ են, որ դուք կատարելու եք ճիշտ կյանքի ընտրություն և դառնալու եք մեր ազատ հայրենիքի իրավատեր քաղաքացիներ և միասին կառուցելու ենք մեր երազած Արցախը»: Այնուհետև խոսք տրվեց օրվա հերոսների՝ շրջանավարտներին: Հանդիսությամբ աշակերտները պատրաստվել էին երկար, քանզի հրաժեշտ էին տալու մի կրթօջախի, որը ուսումնական հաստատությունից զատ ջերմ օրրան է եղել իրենց համար, ուղեկցել է դեպի գիտության անդաստանները, կրթել սերունդներ: Իրողությունը, արդարև, հուզիչ էր և հիշարժան. դպրոցում է ձևավորվել յուրաքանչյուր աշակերտի կենսագրության կարևոր էջը, կյանքի ուղին՝ լեցուն բազմաթիվ ձեռքբերումներով և նվաճումներով, զգացմունքներով և դպրոցական անմոռաց հուշերով: Բոլորի սրտում անթեղված հուշեր էին, բաժանումի ու կարոտի լուռ զգացողություններ:

Միջոցառման ընթացքում հնչեցին գովեստի ու զնահատանքի բազում խոսքեր՝ կապված սիրելի ուսուցիչների և տնօրենի հետ: Մեծարվեց մանկավարժի կոչումը և նրա առաքելությունը կրթության բնագավառում: Դպրոցական առօրյայից քաղված հունորային դրվագները արարողությանը աշխույժ երանգ հաղորդեցին: Աշակերտական անմեղ կատակները ծածկվել էին անցյալի մշուշով. նրանց անթաքույց ժպիտները և գորովալից հայացքները միայն երախտագիտության զգացմունքներ էին արտացոլում և առավել հստակ գիտակցում «ուսուցիչ» բառի վեհությունը:

Հպարտ կերտելով իր տարեգրության լուսավոր էջը՝ դպրոցը մեկ սերունդ ևս ճանապարհեց դեպի հասուն կյանք՝ ժառանգություն թողնելով նվիրյալ մանկավարժների գիտելիքներն ու խորհուրդները, դասերը, որոնք ճշգրիտ ուղեցույց կլինեն կյանքի հարափոփոխ երթում:

Սուսաննա ՍՏԵՓԱՆՅԱՆ
Ստեփանակերտի հ.6 հիմն. դպրոցի փոխտնօրեն

ԽՐԱԽՈՒՄՈՒՄ

ՕՐԻՆԱԿԵԼԻ ՆԱԽԱՁԵՆՈՒԹՅՈՒՆ ԽՆԱԿԱՏՈՒՄ



Այս անգամ Վերջին զանգը խնայատի միջնակարգ դպրոցում հնչեց նոր բովանդակությամբ: Ավանդական դարձած հանդիսությունը «խախտեց» ֆիզիկամաթեմատիկական գիտությունների դոկտոր, պրոֆեսոր, ԱրՊՀ դասախոս, խնայատիցի Ալեքսանդր Խաչատրյանը, որը համառոտ ներկայացրեց մոսկվաբնակ, ծագումով արցախցի Ալեքսանդր Մնացականյանի մարդասիրական նախաձեռնության մասին: Վերջինս գիտության մեծ սպասավոր է ու անխոնջ մշակ, որն ընկերական ջերմ կապեր է ունեցել Ալ. Խաչատրյանի վաղամեռիկ եղբոր՝ ֆիզիկամաթեմատիկական գիտությունների թեկնածու Յուրի Բաղդասարյանի հետ, և այժմ, երբ արդեն չկա իր հավատարիմ ընկերը, որոշել է նրա հիշատակն անմահացնել մի հրաշալի նախաձեռնությամբ՝ Յուրի Մովսեսի Բաղդասարյանի անվան ամենամյա մրցանակ շնորհիվ խնայատիցի այն աշակերտին, ով առանձնահատուկ ընդունակություններ կունենա ֆիզիկա և մաթեմատիկա առարկաների նկատմամբ, հաջողություններ կգրանցի առարկայական օլիմպիադաներում և այդ առարկաներից այլ մրցույթներում:

Նախաձեռնությունը նվիրված էր խնայատի միջնակարգ դպրոցի լավագույն շրջանավարտ Յուրի Բաղդասարյանի՝ դպրոցն ավարտելու 50-րդ տարեդարձին: Նշենք, որ Յուրի Բաղդասարյանը դպրոցն ավարտելուց հետո ընդունվել է Երևանի պետական համալսարանի մեխանիկամաթեմատիկական ֆակուլտետի մաթեմատիկայի բաժինը, ասպիրանտուրան ավարտել Մոսկվայում և դասավանդում էր այնտեղի բուհերից մեկում:

Յուրի Բաղդասարյանի հիշատակին նվիրված առաջին մրցանակը ստանալու պատվին արժանացավ 12-րդ դասարանի շրջանավարտ Անի Բեգլարյանը, ով դպրոցականների 2014-2015 ուսումնական տարվա ֆիզիկայի առարկայական օլիմպիադայում, շրջանային փուլում հաղթելով, մասնակցել է հանրապետական փուլին: Մրցանակը՝ 200 ԱՄՆ դոլար, նրան անձամբ հանձնեց Ալեքսանդր Խաչատրյանը:

Եվ այսպես, խնայատի միջնակարգ դպրոցում մի նոր, գեղեցիկ ավանդույթի սկիզբը դրվեց, որն անպայման կխթանի սովորողների ֆիզիկամաթեմատիկական գիտելիքների զարգացումը:

Ա. ՂԱԶԱՐՅԱՆ

ԱՐՅԱԽԻ ԹԻՄՆԸ՝ 3-ՐԴ ՏԱՐԻՆ ԱՆԵՆՄԵՋ ՇԱՂԹՈՂ



Մայիսի 18-21-ը Երևանի Վ. Սարգսյանի անվան ռազմական ինստիտուտում անցավ 2014-2015 ուսումնական տարվա դպրոցական և երիտասարդական օլիմպիադայի 3-րդ մարզային փուլը նախնական պատրաստությունից:

3-րդ բոլոր մարզերի հետ միասին մասնակցում էր Արցախից թիմը՝ ընդհանուր 12 թիմ:

Դպրոցական այս օլիմպիադան Հայաստանում անց է կացվում չորրորդ տարին, որին Արցախը մասնակցում է երրորդ անգամ:

Յոթ հոգուց բաղկացած Արցախի թիմում ընդգրկված էին երեք տղա և չորս աղջիկ: Թիմերը հանդես եկան հետևյալ մրցաձևերում՝ թեստային աշխատանք, շարային պատրաստություն, Կալաշնիկով ինքնաձիգի ոչ լրիվ քանոնում և հավաքում, հրաձգություն վարժասարքից, արգելագոտու հաղթահարում:

Արցախի հավաքականը, երեք թիմային և 8 անհատական մրցաձևերում գրավելով առաջին տեղը, ընդհանուր արդյունքներով երրորդ տարին անընդմեջ դարձավ օլիմպիադայի հաղթող՝ արժանանալով գավաթի և առանձին մրցաձևերից՝ պատվոգրերի:

Նշենք, որ Արցախի թիմը մարզել և ղեկավարել են զինղեկներ, մայր Արսեն Հարությունյանը(հ. 5 դպրոց) և ավագ լեյտենանտ Վարուժան Աղաջանյանը(հ. 10 դպրոց):

Սեփ. լրատվություն

ՄԵՆԱՐԿԵՑԻՆ ԼԱՎԱԳՈՒՅՆՆԵՐԸ

Մայիսի 26-ին Մարտունու մշակույթի և երիտասարդության պալատում տեղի ունեցավ ավանդական դարձած մեծարժան միջոցառում՝ նվիրված շրջանի 2015թ. առարկայական օլիմպիադաներում, մշակութային, մարզական ոլորտներում աչքի ընկած օժտված երեխաներին և նրանց ուսուցիչներին: Ներկա էին շրջվարչակազմի ղեկավարի տեղակալներ Ս.Սեյրանյանը, Է.Բարսեղյանը, գործարարներ:



Ներկաներին ուղղված շնորհավորանքի և շնորհակալության խոսքեր ուղղեցին շրջվարչակազմի ղեկավարի տեղակալ Ս.Սեյրանյանը, աշխատակազմի կրթության բաժնի վարիչ Ջ. Ղուլյանը: Գիտելիքը հայի համար միշտ էլ եղել ու մնում է ամենամեծ հարստությունը: Ուստի, այսօր ավելի քան երբևէ, մենք պետք ունենք այդ հարստության ավելացման ու բազմապատկման, ինչը կլինի մեզ ուղղված բոլոր մարտահրավերներին պատասխան տալու լավագույն հնարավորությունը, մեր երկրի ու ժողովրդի ապագան հուսալի և բարգավաճ տեսնելու մեծ երաշխիքը:

«Մշակութային խաչմերուկ» մրցույթի հանրապետական փուլում «Լավագույն երգ» անվանակարգում 1-ին տեղ գրաված՝ Մարտունու Արամ Խաչատրյանի անվան արվեստի դպրոցի սան Սիբայել Մայիլյանը և նրա դասատու Ջարիմե Մուսայելյանը, հանրապետական փուլում պատմություն առարկայից 2-րդ կարգի դիպլոմի, 3-րդ եզրափակիչ փուլում գովասանագրի արժանացած՝ ճարտարի հ.1 միջնակարգ հոսքային դպրոցի 10-րդ դասարանի աշակերտ Գագիկ Պետրոսյանը և նրա ուսուցչուհի Վեհանուշ Գաբրիելյանը, հանրապետական փուլի 2-րդ կարգի դիպլոմակիր, Թաղավարդի միջնակարգ դպրոցի 10-րդ դասարանի աշակերտուհի Մարիամ Քարամյանը և նրա ուսուցիչ Ջավեն Բաղդասարյանը, օլիմպիադայի հանրապետական փուլում ռուսաց լեզու առարկայից 2-րդ կարգի դիպլոմի արժանացած՝ Մարտունու հ.1 միջնակարգ հոսքային դպրոցի 10-րդ դասարանի աշակերտուհի Մարիամ Քարամյանը, 3-րդ եզրափակիչ փուլում գովասանագրի արժանացած՝ Մարտունու հ.1 միջնակարգ հոսքային դպրոցի 10-րդ դասարանի աշակերտուհի Լիլիթ Բաղդասարյանը և նրա ուսուցչուհի Ռիտա Եսայանը, հայոց լեզու առարկայից հանրապետական փուլի 3-րդ կարգի դիպլոմակիրներ՝ Սպիտակաշենի միջնակարգ դպրոցի



սաբանություն առարկայից հանրապետական փուլի 3-րդ կարգի դիպլոմակիր և 3-րդ եզրափակիչ փուլում գովասանագրի արժանացած՝ Մարտունու հ.1 միջնակարգ հոսքային դպրոցի 10-րդ դասարանի աշակերտուհի Լիլիթ Բաղդասարյանը և նրա ուսուցչուհի Ռիտա Եսայանը, հայոց լեզու առարկայից հանրապետական փուլի 3-րդ կարգի դիպլոմակիրներ՝ Սպիտակաշենի միջնակարգ դպրոցի

աշակերտուհիներ Մերի Բալայանը, Անի Հայրապետյանը և նրանց ուսուցչուհի Լուսինե Եսայանը, հանրապետական փուլում պատմություն առարկայից 3-րդ կարգի դիպլոմակիր՝ ճարտարի հ.1 միջնակարգ հոսքային դպրոցի 12-րդ դասարանի աշակերտուհի Ժենյա Հարությունյանը և նրա ուսուցչուհի Լուսինե Սաֆարյանը, հանրապետական փուլում նախնական զինվորական պատրաստություն առարկայից 3-րդ կարգի դիպլոմի արժանացած՝ Դերիերի միջնակարգ դպրոցի 9-րդ դասարանի աշակերտուհի Լուսինե Հարությունյանը և նրա ուսուցիչ Հրայր Բաղդասարյանը, հանրապետական փուլում նախնական զինվորական պատրաստություն առարկայից 3-րդ կարգի դիպլոմակիր՝ Մարտունու հ.1 միջնակարգ հոսքային դպրոցի 11-րդ դասարանի աշակերտուհի Լուսինե Սիրգաջանյանը և նրա ուսուցիչ Արամ Խաչատրյանը, հանրապետական փուլում նախնական զինվորական պատրաստություն առարկայից 3-րդ կարգի դիպլոմակիր՝ Թաղավարդի միջնակարգ դպրոցի 11-րդ դասարանի աշակերտ Մարատ Մուսայելյանը և նրա ուսուցիչ Ջավեն Բաղդասարյանը, «Մշակութային խաչմերուկ» մրցույթի հանրապետական փուլի «Լավագույն գործիքային կատարում» անվանակարգում 1-ին տեղը գրաված՝ Մարտունու արհեստագործական ուսումնարանի սան Կարեն Վարդանյանը և նրա ուսուցիչ, Նորշենի ակումբավար Աննա Խաչատրյանը:

Երեխաներին և ուսուցիչներին նվերներ ու համապատասխան դիպլոմներ, պատվոգրեր, ծաղիկներ հանձնեցին շրջվարչակազմի ղեկավարի տեղակալներ Ս.Սեյրանյանը, Է.Բարսեղյանը, Ջ.Ղուլյանը, բարերարներ՝ «Տնօրեն-2000» ՄՊԸ տնօրեն Հայասեր Գասպարյանը, «Սանասար» ՄՊԸ տնօրեն Սամվել Ավանեսյանը, «Խոնաշեն» ՄՊԸ տնօրեն Էդուարդ Ղազարյանը:

Միջոցառումն իրոք որ լուսավոր ու գեղեցիկ առիթ էր ինտելեկտի ու հնարավորությունների լավագույն դրսևորումների գնահատման և մասսայականացման համար:

Կ.ԳՊԱՄՅԱՆ

ԱՍՓՈՓՈՒՄ

ԵՎՍ ՄԵՎ ՌԻՍՈՒՄՆԱԿԱՆ ՏԱՐՎԱ ԱՎԱՐՏ. ԻՆՉՈՎ ԵՆԱՆԱՎՈՐՎԵՑ 2014-2015 ՌԻՍՈՒՄՆԱԿԱՆԸ



Ավարտվեց ևս մեկ՝ 2014-2015 ուսումնական տարին: Ուստարում կատարված, անելիքների և առաջվապես աշխատատար ու պատասխանատու ժամանակահատվածի վերաբերյալ հարցազրույց ունեցանք Ստեփանակերտի քաղաքապետարանի աշխատակազմի կրթության և սպորտի բաժնի պետ Կառլեն ՄԱՐԳՐՅԱՆԻ հետ:

- Պարոն Մարգարյան, ի՞նչ տվեց 2014-2015 ուսումնական տարին:

- Այն, որ վերջին տարիներին հանրակրթական դպրոցներում գործում են 6 տարեկանների 6-ժամյա և 9-ժամյա նախադպրոցական խմբեր, արդեն այս տարվանից կտա իր դրական արդյունքը, քանզի նոր ուսումնականում մայրաքաղաքում կունենանք ավելի քան 950 առաջին դասարանի: Նախադպրոցական կրթության բնագավառում տարին որոշակիորեն բարեհաջող էր այն առումով, որ Ստեփանակերտում բացվեց հ.4 պետական մանկապարտեզ՝ առայժմ 1 խմբով, սակայն աշխատանքներ են տարվում հարակից շենքի վերակառուցման և արդի չափանիշներին համապատասխան

նեցման ուղղությամբ, որից հետո մանկապարտեզը կունենա 3-4 խումբ: Ավելացնենք, որ մոտ օրերս փոքրիկների առջև իր դռները կբացի նաև հ. 5 մանկապարտեզը, որը կգործի 3-4 խմբով: Մինչև նոր ուսումնականի սկիզբը շահագործման կհանձնվի ևս մեկ՝ 2 խմբանոց մանկապարտեզ: Ասել է թե՛ ուսումնական տարում նախադպրոցական հաստատության ցանցում ու առանձնապես՝ աշխարհագրության ընդլայնման տեսակետից որոշակի աշխատանքներ կատարվել են: Նոր բացված մանկապարտեզներն ապահովված են ժամանակակից գույքով:

Հանրակրթության բնագավառում. 2014-15 ուստարին հ. 1 հիմնական դպրոցը սկսեց ժամանակակից պահանջներին համապատասխան բարձրակարգ շենքում: Աշակերտների առջև իր դռները բացեց նաև հ. 6 նորակառույց դպրոցը: Փաստորեն մայրաքաղաքում 2 հանրակրթական դպրոցների շենքային պայմանները լիովին բավարարվեցին: Այս ուսումնականի վերջին վերանորոգման աշխատանքներ իրականացվեցին նաև հ. 9 հիմնական դպրոցում, որտեղ դրա կարիքը խիստ զգացվում էր:

Իրավական տեսակետից եթե խոսելու լինենք, հարկ է նշել, որ այս ուսումնականում հանրակրթական բոլոր դպրոցները վերածվեցին ՊՈԱԿ-ների: Իրավական դաշտում կատարվեց զգալի աշխատանք: Ե՛վ դպրոցի կառավարման, և՛ գործունեության ընթացքավորման աշխատանքներին, բացի դպրոցների գործադիր տնօրեններից, քաղաքապետարանի կրթության և սպորտի բաժնից ու ԿԳ նախարարությունից, ղեկավարման կազմակերպման գործում ավելացավ ևս մեկ օղակ՝ խորհուրդը, որի նպատակային ու

արդյունավետ աշխատանքն առանձնակի կնպաստի ուսումնական ընթացքի և ամբողջությամբ՝ դպրոցի կառավարման գործընթացի ավելի թափանցիկ ու նպատակային կազմակերպմանը:

-Իսկ ի՞նչ է կատարվել աշակերտների կրթության և դաստիարակության ուղղությամբ:

- Այս առումով հստակ կարելի է փաստել, որ բարձր մակարդակով իրականացվել են բոլոր ավանդական միջոցառումները, որոնց կողքին ավելացել են նորերը:

«Տարվա լավագույն տնօրեն», «Տարվա լավագույն ուսուցիչ», «Տարվա լավագույն զինղեկ», «Տարվա լավագույն դասվար» մրցույթները անցել են միանգամայն կազմակերպված՝ նպաստելով ուսուցիչ-անհատի որակական աստիճանի բարձրացման և ուսուցիչ - անձնավորության հեղինակության նկատմամբ շրջապատի կողմից առավել ուշադիր ու հարգալից վերաբերմունքի դրսևորմանը: Նշենք, որ «Տարվա լավագույն տնօրեն» է ճանաչվել Ա. Դուլյանի անվան հ. 2 հիմնական դպրոցի տնօրեն Լաուրա Մարտիրոսյանը, «Տարվա լավագույն ուսուցիչ»՝ Վ. Շահնգիրյանի անվան հ.11 ավագ դպրոցից հայտ լեզվի և գրականության ուսուցչուհի Մանուշ Բալայանը: «Տարվա լավագույն զինղեկ»-ը ևս հ. 11 ավագ դպրոցից է՝ Արմեն Դուլյանյանը, իսկ «Տարվա լավագույն դաստիարակ»՝ հ. 2 մանկապարտեզի դաստիարակ Ռամելա Իսախանյանը:

Ապրիլ ամսին անց է կացվել նաև «Տարվա լավագույն աշակերտ» մրցույթը, որի քաղաքային փուլի հաղթող է ճանաչվել հ. 8 ավագ դպրոցի աշակերտուհի Անահիտ Պողոսյանը, ով կարողացել է պահպանել մրցույթի հաղթողի

դափնին նաև հանրապետական փուլում:

Կազմակերպվել են օլիմպիադաներ բոլոր առարկաներից, ինչը քանակական և որակական տեսակետից գերազանցել է անցած ուսումնական տարվա ցուցանիշը: Ուստի, տարին կրթական հաստատությունների համար առանձնակի էր նրանով, որ անցկացված բոլոր ավանդական միջոցառումները՝ սկսած շարադրությունների, ասմունքի ու երգի մրցույթներից, անցել են բարձր մակարդակով:

Նշենք, որ շարադրությունների մրցույթներ են անցկացվել Ստեփանակերտի, Մայրենիի օրվան, Ցեղասպանության 100-ամյակին, Մայրսյան եռատոնին նվիրված: Բոլոր հաղթողներն էլ խրախուսվել են բաժնի կողմից:

Կազմակերպվել է նաև ասմունքի և հայրենասիրական երգերի մրցույթ-փառատոն, որին մասնակցել են 27 աշակերտներ. նրանցից 12-ը զբաղեցրել են մրցանակային տեղեր: Ինչ վերաբերում է առարկայական օլիմպիադաներին, ուրախությամբ կարելի է փաստել, որ տարբեր առարկաներից քաղաքային փուլին մասնակցել են 353 աշակերտներ, որոնցից հանրապետական փուլ է անցել 126-ը: Բոլորն էլ խրախուսվել են բաժնի կողմից՝ արժանանալով պատվոգրերի և հուշանվերների:

Հանրակրթական բոլոր հաստատություններում բարձր մակարդակով ու մեծ պատասխանատվությամբ են մոտեցել նաև Հայոց մեծ եղեռնի 100-ամյա տարելիցին նվիրված միջոցառումների կազմակերպմանն ու անցկացմանը. յուրաքանչյուր աշակերտ և ուսուցիչ միջոցառմանը իր մասնակցությունը համարել է հոգու պարտք:

Այս տարի առանձնակի ուշադ

ԳԻՏԵԼԻՔԻ ՀԻՄՔԸ՝ ՆԱԽԱԿՐԹԱՐԱՆՈՒՄ

Երջանիկ են այն մարդիկ, ովքեր աշխատում են երեխաների հետ:

Այս անգամ հյուրերին խնամալստի նախադպրոցական հիմնարկ էր բերել մի ուրիշ առիթ: Նրանք եկել էին ունենդորելու ավագ խմբի դաստիարակչուհի Անուշ Ասրյանի կազմակերպած բաց դասը մաթեմատիկայից:

Հենց այստեղ է, այս ջերմ միջավայրում է ձևավորվում ապագա սովորողների գիտելիքների հիմնական ու կարևոր շտեմարանը: Շտեմարան, որ, հետագայում բազում խոչընդոտներ հաղթահարելով, գիտության աստիճաններով դանդաղ, բայց վստահ քայլերով առաջընթաց է արձանագրում:

Այս օջախում տարրական գիտելիքներ ձեռք բերելով՝ երեխաները հետագայում դպրոցում ավելի ակտիվ ու համարձակ են դառնում, կարողանում են հեշտ հաղթահարել դժվարությունները:

Ուրեմն՝ շատ բան է կախված նրանից, թե ինչպես է դրվում գիտելիքների հիմքը նախադպրոցական հիմնարկում, ինչքանով են զարգանում երեխայի աշխարհընկալումն ու մտահորիզոնը, ինչպես են ձևավորվում մարդկային հարաբերությունները և՛ անհատականի, և՛ ընդհանուրի համատեքստում:

Հուրախությամբ պիտի նշել, որ հուսադրող շատ բան կար կազմակերպված բաց դասի շրջանակներում:

Թեման՝ «7 թիվը և թվանշանը, կարգային հաշվի տարրերը», շատ մեծ հնարավորություն տվեց դաստիարակին բացահայտելու երեխաների մաթեմատիկական ունակությունները: Այնքան դիտողական ու ընկալելի էին օգտագործվող եղանակները, որ երեխաներն ազատ ու անկաշկանդ արտահայտում էին իրենց կարծիքները, ցուցադրում գիտելիքները:

Մինչև հիմնական նյութին անցնելը վերհիշեցին ու ամրապնդեցին 1-6 թվերը, նրանց կազմությունները: Հմուտ դաստիարակը (8 տարվա աշխատանքային ստաժով) շատ մեծ պատասխանատվությամբ էր նախապատրաստվել դասին: Կային բոլոր անհրաժեշտ պարագաները՝ 1-

7 թվանշաններն ու նրանց կազմությունները պատկերող նկարներ, 7-ական առարկաներ՝ խնձոր, թխվածք, երկրաչափական պատկերներ, մատիտներ, 7 թվով պաստառ՝ ծիածանով (7 գույն), խնձորներով, բուրգերով, ձկներով, շաբաթվա օրերով, արևով (7 շողերով):

Գիտելիքի մատուցումը տեսողական դարձ-



նելով՝ Անուշ Ասրյանը քաղեց իր ցանած սերմի պտուղները՝ հատ-հատ, դանդաղ, բայց շատ կարևոր:

Երեխաներն արդեն կարողանում են զանազանել զույգ և կենտ թվերի գունային տարբերությունները (զույգը՝ կարմիր, կենտը՝ կապույտ), նախորդ և հաջորդ հասկացությունները, մեծի և փոքրի նշանները, մինչթվային սահմանափակումները, 1-10, 10-1, 1-6, 6-1 թվերի սահմաններում հաշվումները, 7 թվի կազմությունը՝ երկու ձեռքերի մատների միջոցով:

Անգամ ֆիզկուլտդպրոցի ժամանակ նրանց մատիկները մերթ կորանում, բռունցք էին դառնում, աչից, ծախից հարվածում, մերթ 1-5 հաշվով քնում, զնդակ դառնում, մերթ արթնանում, խաղում ուրախանում՝ հանդես բերելով նաև խոսքի դրսևորումները:

Այնքան շոշափելի էին նրանց գիտելիքները ծիածանի 7 գույների, շաբաթվա 7 օրերի, տար-

վա 7-րդ ամսի, երաժշտության 7 հիմնական նոտաների, մեր շրջապատի միջավայրի (7 միրգ, 7 բանջարեղեն, 7 թռչուն, 7 կենդանի և այլն) վերաբերյալ, որ ներկաները մեծ բավականություն ստացան:

Հանձնարարվեց նաև գործնական աշխատանք. ներկել 7 մատ, տորթերի վրա նկարել 7 մուներ:

Ամեն ինչ 7-ով էր շնչում դասին, որ տեղե ընդամենը 30 րոպե, բայց 100 բան ուսուցանվեց երեխաներին:

Ամբողջ ընթացքում լսելի էր դաստիարակի մեղմ, փաղաքուշ, համոզող, բայց ոչ սաստող ձայնը, ինչն էլ տվեց իր ցանկալի արդյունքը:

Այնուհետև կազմակերպվեց գրական-երաժշտական միջոցառում՝ նվիրված Ցեղասպանության 100-ամյա տարելիցին: Անուշ Ասրյանը հանդես եկավ համառոտ ելույթով:

Եղեռնի ցավի շեշտերով և արցախյան բառ ու բանի աշխույժ ելեջներով միախուսված միջոցառումն ավարտվեց 100 թվի տեսքով շարված մոնավառությամբ, որը հարգանքի յուրահատուկ տուրք էր 1,5 միլիոն զոհերի հիշատակին:

Քննարկման ժամանակ ներկաները՝ Սվետլանա Ասրյան (կրթության բաժնի ավագ մասնագետ), Այգեստանի և Ավետարանոցի մանկապարտեզների տնօրեններ, Խնձրիստամի, Հարավի և Ասկերանի մանկապարտեզների դաստիարակներ, խնամալստի մանկապարտեզի ավագ խմբի ծնողկոմիտեի նախագահ, հիացմունքի խոսքեր հնչեցրին Անուշ Ասրյանի կատարած աշխատանքի, նրա մարդկային տեսակի վերաբերյալ, առաջարկեցին հաճախակի կազմակերպել նման այցելություններ՝ փորձ ձեռք բերելու և փորձի փոխանակման նպատակով:

Ընդգծեցին ամենակարևորը. մանուկների հրաշք աշխարհում աշխատողները ամենաերջանիկ մարդիկ են, քանզի այդ ամենը ու անապական հոգիներն են լցնում կյանքի դաստիարակությունը:

Սուրբյա ՂԱԶԱՐՅԱՆ

ԱՅՐՈՒԲԵՆԻ ՏՈՆ՝ ՔՆԱՐՎԱՆՈՒՄ

Օրերս կայացած հանդիսությունը Շահումյանի շրջանի Քնարավանի հիմնական դպրոցում, կարելի է ասել, տեղի ուժերով կազմակերպված առաջին միջոցառումն էր: Այս ամենի «մեղավորը» Սամվել Պողոսյանն էր, որը հաճախում է Քնարավանի դպրոցի առաջին դասարան:

Օրը տոնական էր թե՛ Սամվելիկի համար, թե՛ ուսուցիչների: Քանի որ դասարանը երկկազմ է, և դպրոցն ունի ընդամենը 22 աշակերտ, ուստի դասվար Մարիետա Միքայելյանը բոլորին ընդգրկել էր միջոցառմանը: Երեխաները մեծ ոգևորությամբ կատարում էին հայահուռն անաղարտ երգ ու ասմունք: Այն կարծես թե ամբողջ տարվա կատարած աշխատանքի ստուգառես էր, հատկապես՝ Սամվելի համար: Դասվարի տքնաջան աշխատանքը զգացվում էր երեխաների ներկայացրած բեկականացման մեջ, նրանց կատարած պարի ու երկխոսության ընթացքում:

Քնարավանը գտնվում է Վարդեգիս -Մարտակերտ մայրուղու վրա: Այստեղ դպրոցը իր աշխատանքները սկսել է 2006 թվականին՝ ընդամենը 6 աշակերտով: Համայնքում կա 15 տնտեսություն, իսկ հաջորդ տարին, ըստ համայնքապետ Մարինե Փիլոսյանի, դպրոց կհաճախեն շուրջ 30 երեխաներ:

Լիբա ՂԱԼԱՅԱՆ

Մարիամ ՓԻԼԱՅՅԱՆ

ՀԱՄԱԳՈՐԾԱԿՑՈՒԹՅՈՒՆ

ԴՊՐՈՑ - ԲԱՆԱԿ - ՀԱՄԱԿՈՒԹՅՈՒՆ ԵՌԱՄԻԱՆՈՒԹՅՈՒՆԸ

Ճարտարի հ.5 միջնակարգ դպրոցը արդեն չորս տարի է, ինչ հիմնադրման օրվանից գործում է Մարտունու երկրորդ պաշտպանական շրջանի հարևանությամբ: Ոմանք կարող են հոգեբանական անհանգստություն ապրել. բայց ոչ մեք, որովհետև գտնվելով հուսալի հարևանի կողքին՝ գործում ենք ավելի վստահ: Դպրոց-բանակ-հասարակություն կապը անշեղորեն ուղեկցում է մեզ ազգային միասնության, նոր գաղափարների առաջացման և, իհարկե, այդ գաղափարները համատեղ իրականացնելու ճանապարհին: Երկրորդ ՊՇ-ն մեզ համար միշտ արժեք է, իսկ օգնողները, անշուշտ, հեղինակություն: Այդպիսի հեղինակություն է երկրորդ ՊՇ-ի հրամանատարությունը՝ գնդապետ Գեղամ Գաբրիելյանի գլխավորությամբ: Ի դեմս նրա՝ ճարտարի հ.5 միջնակարգ դպրոցը պարզապես հոգատար ձեռք ունի:

Մեր համատեղ աշխատանքները բավական շատ են ու բազմաբնույթ: Այն արտահայտվում է սպորտային, գիտական, գրական-գեղարվեստական, մշակութային բնագավառներում, որտեղ զինվորականները դպրոցականներին սովորեցնում են մարտական խաղեր, ազգային պարեր, երգեցողություն... Ոմանք կարող են կարծել, թե ինչ-որ հետաքրքիր ժամանակ է սա, բայց՝ ոչ: Յուրաքանչյուր բնագավառի աշխատանք իր արդյունքն ունի, մեզ հետ աշխատող մեր զինվորի՝ Ջավեն Բաղդասարյանի, Համազասպ Ասլանյանի, Սահակ Ղազարյանի, Մխիթար Սարգսյանի, Գևորգ Երեմյանի պատասխանատվության շնորհիվ: Ի միջի այլոց նշենք, որ նրանք իրենց հոգատար վերաբերմունքով վայելում են ողջ դպրոցի կուլեկտիվի սերն ու հարգանքը և պատահական չէ, որ խոսակցության մեջ օգ-

տագործում ենք «մեր զինվորը» արտահայտությունը:

Չմոռանանք նշել, որ Համազասպ Ասլանյանի սովորեցրած ազգային պարերով («Փափուրի», «Սասնա թռչարի», «Սղերդի թռչարի», «Յարխուշտա») մեր դպրոցը (Ջավեն Բաղդասարյանի ղեկավարությամբ) մայիսի 2-ին Ստեփանակերտում տեղի ունեցած ազգային պարերի մրցույթում, «Սասնա թռչարի» պարով, զբաղեցրել է առաջին տեղը ու Մե նախարարության կողմից արժանացել պատվոգրի ու հուշանվերների: Էլ չեն խոսում այն հաճույքից, որ ստացան մեր աշակերտները մրցույթի ժամանակ: Ուղղակի պետք էր միայն տեսնել, թե պատմելիս ինչպես էին փայլում նրանց աչքերը: Ոգևորված ուսուցիչների առաջարկով՝ Ջավեն Բաղդասարյանը նրանց և սովորեցրեց ազգային պարեր: Նրանք ոչ միայն սովորել են, այլև դպրոցի միջոցառումների ժամանակ իրենց պարերով հանդես են գալիս զինվորի ու աշակերտի հետ միևնույն բեմահարթակում: Ոգևորության մի բարձրագույն զգացում, որն ապրում ենք ոչ միայն մենք, այլև բոլոր հանդիսատեսները:

2-րդ ՊՇ-ի «Հայ ասպետ» թիմը բազմիցս է մեզ նվիրատվություններ արել: Դպրոցին նվիրել են երաժշտական կենտրոն, գլոբուս, ԳՀ-ի և ԼԳՀ-ի, «Հայկական լեռնաշխարհ» մեծամասշտաբ քարտեզները: Նրանք նաև իրենց միջոցառումներին հաճախ մասնակից են անում մեր աշակերտներին: Հաղորթում կայացած ինտելեկտուալ խաղին «Հայ ասպետ» թիմի ավագ Արամ Թորոսյանը խաղին մասնակից արեց 9-րդ դասարանի աշակերտուհի Նարինե Դուկասյանին և վերջում արտահայտեց իր գոհունակությունը:

Համատեղ աշխատանքի ընթացքում, բա-

վական է առաջարկ, տարբերություն չկա դպրոցի, բանակի, թե տեղացիների կողմից, ամբիջապես գործի մեջ է դրվում:

Կանանց միջազգային օրը ոգևորության համընդհանուր տոն էր: Պարոն հրամանատարի առաջարկությամբ կազմվեց երեք թիմ՝ աշակերտուհիներ, ուսուցչուհիներ, տեղի բնակչուհիներ՝ կին զինծառայողների հետ: Թիմերը մրցեցին վոլեյբոլի, շախմատի, շաշկու, սեղանի թենիսի (ի դեպ, վերջում այն նվեր ստացանք) խաղերում: Հետաքրքիր ժամանակի երկրպագուներով դպրոցը լեփ-լեցուն էր: Վերջում ՊՇ-ի հրամանատարությունը հարթոլ թիմերին և ամհատ հաղթողներին հանձնեց գավաթներ, ակտիվներին՝ հուշանվերներ, իսկ բոլոր մասնակիցներին՝ դպրոցի հետ միասին՝ ծաղիկներ: Ոգևորության մի պաթոս, որ չի թողնում լռելյայն անցնել: Արանք ընդամենը մի քանի օրինակներ են:

Դպրոցում կազմակերպված յուրաքանչյուր միջոցառում պարտադիր հազեցում է ստանում դպրոցականների, զինվորների, ուսուցիչների, ծնողների մասնակցությունից, որն էլ առանձին հմայք ու որակ է հաղորդում այն բարձր մակարդակով մատուցելու համար: Նմանատիպ օրինակները բազմաթիվ են: ԼԳՀ սահմանադրության օր, Գոյամարտ, Ցեղասպանության 100-ամյակին նվիրված դաս-միջոցառում, արցախյան ազատամարտիկներին նվիրված մեծարման ցերեկույթներ, Եռատոն, Վերջին զանգ..., որոնք ամեն անգամ ընթանում են նոր գաղափարների ծնունդով և ավարտվում գոհունակության խոսքերով:

Դպրոց-բանակ-հասարակություն կապը ազգային միասնության երաշխիքներից է, որն իր արտացոլումն է գտնում նոր կյանք մտնող

աշակերտների մեջ, բոլորիս մեջ: Դպրոցում ավանդույթ է դարձել հարևան դպրոցների տնօրենների, պատմության ուսուցիչների, մշակույթի տան տնօրեններին հրավիրելը՝ նպատակ ունենալով փոխանցել միասնության գաղափարի սերմանման այս ձևը, որն արժանացել է Մարտունու շրջանի վարչակազմի աշխատակազմի կրթության բաժնի վարիչ Ջ. Դուլյանի, ճարտարի քաղաքապետ Ա. Աղաբեկյանի, հ.1 և հ. 2 դպրոցների տնօրենների, ճարտարի մշակույթի տան տնօրենի և բազմաթիվ հյուրերի հավանությանն ու գովեստի խոսքերին: Պարոն Ջ. Դուլյանը, ներկա լինելով մեր բոլոր միջոցառումներին, ոգևորման հետ մեկտեղ շնորհակալանքի խոսք է ասում այս միասնությունը ամուր պահողներին, հատկապես՝ 2-րդ ՊՇ-ի հրամանատարությանը՝ պ. Գ. Գաբրիելյանի ղեկավարությամբ՝ նշելով, որ այս համատեղությունը և՛ արիության դաս է, և՛ հայրենասիրության դաստիարակում, և՛ հոգատարություն, որ ցուցաբերում է 2-րդ ՊՇ-ն ճարտարի հ. 5 դպրոցի նկատմամբ:

Դպրոցի տնօրինությունը խորին շնորհակալություն է հայտնում 2-րդ ՊՇ-ի հրամանատար պ. Գ. Գաբրիելյանին՝ աջակցության, օգնության և միշտ մեր կողքին լինելու համար: Թող Աստոծ աջը հովանի լինի Ձեզ, թող Ձեզ միշտ ուղեկցի հաղթանակի բերկրանքը. խաղաղություն ձեզ, մեզ, ողջ աշխարհին:

Գայանե ՄԱԹՎՈՍՅԱՆ
Ճարտարի հ. 5 միջնակարգ դպրոցի
ՄԿԱԳ փոխտնօրեն

ԴԻՄԱՆԿԱՐԻ ՓՈՐՁ

Ի ԾՆԵ ԼԻՆԵՆՈՎ ՈՒՄՈՒՑԻՉ



սիրություն, կոփվում, տոգորվում ամենաջերմ զգացումով՝ հայրենիքի ու ժողովրդի նկատմամբ:

Այդպիսի մարդ ինձ համար եղել է Արշալույս Յուսևունցը: Տարիները գլորվում են, հիմա թռչակառու են, բայց հաճախ են հիշում Ձեզ:

Առավել ևս այն պահն ու ժամը, երբ ես պապիկիս, իսկ դու հայրիկիդ համար ծաշ էինք բերել ծննդուհի ու սեխի բոստան: Առաջին անգամ հանդիպեցինք: Դու Շուշիի մանկավարժական տեխնիկումի 4-րդ կուրսի ուսանող, իսկ ես՝ 7-րդ դասարանն ավարտած: Երբ իմացար, որ ես 7-րդ դասարանը ավարտել եմ «4» և «5» գնահատականներով, հանդիպեցիք պապիս, որ ինձ տանի Շուշիի տեխնիկում՝ սովորելու: Դասյա անչափ ուրախացավ, համբուրեց Արշալույսի ճակատը. այնքան էր ուրախացել, որ աչքերից արցունքի կաթիլներ էին թափվում:

Երկու օրից հետո Արշալույսի հետ ճանապարհվեցինք Շուշի: Հաջողությամբ հանձնեցի ընդունելության քննությունները և դարձա առաջին կուրսի ուսանող:

Ոտք դրեցի նոր, մեծ կյանք, իմացա, որ պետք է ուսուցիչ դառնամ, կյանքս կապեմ երեխաների՝ մատաղ սերունդի հետ:

Իսկ ի՞նչ է «ուսուցիչ» բառը. ես կասեի՝ այն արթնացնում է վեհ ու հրաշալի զգացողություն, որ մարդ ունենում է իր կյանքում: Այն իր մեջ ամփոփում է մի անսահման աշխարհ, որը լույս ու ջերմություն է պարզում շրջապատին: Ուսուցչի ջանքերով միշտ վառ է պահվում ազգային ոգին: Նա առաջիններից է, որ սովորեցնում է սիրել հայրենիքը, պայքարել, լինել արդար ու արի, տեր կանգնել մեր երկրին ու հզորացնել այն:

Արշալույս Յուսևունցը ծնվել ու հասակ է առել Մարտակերտի շրջանի Կարմիրավան գյուղում: Սկզբնական կրթությունը ստացել է Սեյտուլանի յոթնամյա դպրոցում, ուսումը

շարունակել Շուշիի մանկավարժական տեխնիկումում: Տեխնիկումը վերջացնելուց հետո ավարտել է Բաքվի Լենինի անվան մանկավարժական ինստիտուտի տարրական կրթության ու մեթոդիկայի բաժինը:

Շուշիում սովորելու ժամանակ տեխնիկումի ուսուցիչներ Սամվել Շինակյանյանն ու նրա տիկինը՝ Ելիզավետա Հովհաննիսյանը (երկուսն էլ XX դարի Արցախի լավագույն մանկավարժներ)՝ տեսնելով Արշալույսի ընդունակությունները, նվիրվածությամբ ու աշխատասիրությամբ և համեստ լինելը, իմանալով նրա կենսագրությունը, որ հայրը առաջին կարգի հաշմանդամ է, 6 երեխաների տեր, որոշում են նրան վերցնել որպես իրենց աղջիկ և պահել իրենց տանը: Երկուսով գալիս են Կարմիրավան՝ Արշալույսի ծնողներ Իշխանի և Մարգարիտայի հետ խորհրդակցելու: Համոզում են, որ Արշալույսը չապրի հանրակացարանում, ապրի իրենց հետ, բոլոր հոգսերը հոկան իրենք: Արշալույսը նրանց ընդունում է հարազատ ծնողի պես, իսկ նրանց երկու տղաներին՝ որպես եղբայրներ:

Երբ ավարտում է տեխնիկումը, Արշալույսի դասավորում են աշխատելու Շուշիի դպրոցներից մեկում, որտեղ աշխատում է 2 տարի, հետո տեղափոխվում է Մարտակերտի շրջանի Կիչանի դպրոցը: Երեք տարի աշխատելուց հետո շրջափոխվում է Կարմիրավան և նշանակվում տարրական դպրոցի վարիչ:

Ես աշխատում էի արդեն ութամյա դարձած դպրոցի ուսնավար և պատմության ուսուցիչ, իսկ Արշալույսը՝ դասավար:

Դպրոցում կազմակերպում էինք տողան, ամփոփում շաբաթվա արդյունքները, հաշվի էինք առնում աշակերտների շաբաթվա ստացած բոլոր գնահատականները, վարքը, դպրոցում կազմակերպված միջոցառումներին մասնակցելը, պահվածքը հասարակական միջավայրում: Ար-

լավագույն մանկավարժի ու հասարակական գործչի մասին:

Յուսևունցը ունեցել է համերաշխ, օրինակելի ընտանիք: Ամուսինը՝ Ալեքսանդր Պետրոսյանը, Ստեփանակերտի գյուղտեխնիկումը ավարտելուց հետո աշխատել է գյուղում՝ որպես մեխանիզատոր: Ունեցել են երեք տղա ու մեկ աղջիկ:

Յուսևունցի մասին կարելի է ասել, որ նա ծնվել է մանկավարժ-ուսուցիչ լինելու համար: Մերն ընտրած մասնագիտության, պաշտելի աշակերտների, հայրենի հող ու ջրի, ծառ ու ծաղկի հանդեպ այնքան խորն է եղել, այնքան անհագ, որ կարողացել է իր սաներին էլ վարակել նույն սիրով ու ջերմությամբ: Կես դարից ավելի սիրով բացել է դասարանի դուռը և մտել ժպիտով ու անհուն կարոտով դիմավորել իրեն սպասող բազում հայացքներ: Նրա կենդանի խոսքը, նուրբ ու արտահայտիչ ձայնը՝ վճիտ ջրի մնամ պարզ, օգնել են դասերը վարել հետաքրքիր ու բովանդակալից:

Երբ փակում են աչքերս, հուշերիս ժապավենը դանդաղ էտ է պատվում, աչքերիս առաջ պատկերվում է Ձեր վեհ կերպարը՝ ժպտերես ու բարեհամբույր: Հիշում են Ձեր ամեն մի դաս՝ այնքան մատչելի, այնքան օրինակելի:

Հիշում են, թե ինչպես էինք անկեղծ գրուցում մեզ հետ և բարի խորհուրդներ տալիս:

Այսօր էլ, երբ անցել եք կենսաթռչակի, ես համոզված եմ, որ կարող եմ լինել այնպիսի պահեր, երբ Ձեզ կթվա, թե շատ բան չեք հասցրել, կամ էլ արածը շատ քիչ է:

Բայց երբ հետադարձ հայացք ձգես հետևում մնացած տարիներին, կխաղաղվի հոգիդ, կզգաս, որ անիմաստ չես անցկացրել օրերն ու տարիները և կհամոզվես, որ հպարտանալու շատ բան ունես:

Ալեքսանդր ՀԱՄԱԹՅԱՆ

ԱՌՆԱՎՈՐ ՓՈՐՁ

ԻՆՏԵՐՎԱԾ ԴԱՍ՝ ԵՐԿՈՒ ՌԻՍՈՒՑՅՈՒ ՄԱՍՆԱԿՑՈՒԹՅԱՄ

Ուսուցիչն ապրում է այնքան ժամանակ, քանի դեռ սովորում է: Երբ նա դադարում է սովորել, նրա մեջ մահանում է ուսուցիչը:

Վ. Դ. Ուշինսկի

Այդպիսին է Բերդորի Վ. Թեբեյանի անվան հ. 1 միջնակարգ դպրոցի ուսուցչուհի Սիրվարդ Թամազյանը, ում բաց դասին վերջերս ներկա էինք:

Դասն անցկացվեց 4-րդ դասարանում «Ես և շրջակա աշխարհը» առարկայից՝ «Մայրցամաքներ և օվկիանոսներ» թեմայով: «Ճանապարհորդություններ և աշխարհագրական հայտնագործություններ» բաժինը հարուստ է հետաքրքրաշարժ տեղեկատվությամբ. այն աշակերտներին հետաքրքրել է դեռևս տարեկանից՝ «Մայրցամաքներ և օվկիանոսներ» թեման անցնելու ժամանակ, ինչն էլ ուսուցչուհուն հնարավորություն ընձեռեց բաժինը առանձնացնել հատկապես մայրցամաքներն ու օվկիանոսները և պահուստային ժամի հաշվին խորացնել դրանց մասին ունեցած գիտելիքները:

Փորձառու ուսուցչուհի Ս. Թամազյանի և երիտասարդ ուսուցչուհի՝ դպրոցի աշխարհագրության մասնագետ Ս. Բոյախյանի համագործակցային աշխատանքի ընթացքում ապահովվեց ուսուցիչ(1)-ուսուցիչ(2)-աշակերտ, ուսուցիչ(1)-աշակերտ - ուսուցիչ(2), ուսուցիչ- ուսուցիչ, աշակերտ- աշակերտ փոխադարձ կապը:

Ս. Թամազյանը գործընկերներին ներկայացրեց նորարարական իր փորձը, որն ապահովեց մեթոդական պատրաստվածության և ուսումնադաստիարակչական գործընթացի բարձր արդյունավետություն:



Երիտասարդ ուսուցչուհին առաջին քայլերն արեց կրտսեր օղակում՝ ի ցույց դնելով իր մասնագիտական գիտելիքները, կարողություններն ու հմտությունները:

Ինտեգրված դասի ընթացքում ապահովվեցին ուսուցիչների և աշակերտների փոխհարձ շփումները, փորձի փոխանակումը: Դասն ունի ոչ ստանդարտ կառուցվածք:

Ուսուցիչները նախապես ուսումնասիրել էին տվյալ թեմայի շուրջ չափորոշչային պահանջները, գրել դասապլան, հստակեցրել նպատակներն ու խնդիրները, պարզել, թե ինչ է պահանջվում իրենցից տվյալ դասին, հատուկ ուշադրություն դարձրել դասի գաղափարական, մանկավարժ-հոգեբանական, աշխարհայացքային ուղղվածությունը, տրամաբանական հաջորդականությանը և այն չափաբաժին, որը պետք է ընդգրկել դասի բովանդակության մեջ՝ դրանով իսկ ապահովելով անհրաժեշտ գիտելիքների յուրացումը, կրողությունների և հմտությունների զարգացումը:

Հստակ ձևակերպված են դասի ուսուցանող, զարգացնող և դաստիարակող գործառնությունները: Իսկ ուսումնական առաջադրանքները դասակարգված են «պարզից բարդ» սկզբունքին համապատասխան, ինչն էլ նպաստեց նյութի լիարժեք ամրապնդմանը: Հաշվի է առնված դասանյութի կապը ինչպես թեմատիկ խմբում ընդգրկված մյուս դասանյութերի, այնպես էլ ուսումնական մյուս առարկաների հետ՝ մայրենի, մաթեմատիկա, աշխարհագրություն, պատմություն, երաժշտություն, կերպարվեստ, ֆիզկուլտուրա, տեխնոլոգիա:

Դասագործընթացում կիրառված հնարներն ու մեթոդները, ինչպես նաև տեղեկատվական տեխնոլոգիաների կիրառումը նպաստեցին աշակերտների ինքնուրույն ստեղծագործական մտքի զարգացմանը, ճանաչողական գիտելիքների ընդլայնմանը: Ս. Թամազյանի աշխատանքում հատկապես կարևորվեցին նրա ստեղծագործական մոտեցումները, աշխատանքի ինքնաստիպությունը:

Ուսուցչուհու յուրաքանչյուր դաս ստեղծագործական մտքի թռիչք է: Դասի ընթացքում մենք ականատես եղանք հետաքրքիր փաստերի, անսպասելի բացահայտման, գեղեցիկ փորձի, ոչ ստանդարտ մոտեցման արդեն իսկ յուրացված նյութի նկատմամբ: Վերարտադրողական բնույթի աշխատանքները հասցվել էին նվազագույնի, իսկ ստեղծագործական բնույթին՝ առավելագույնի:

Ուշադրության արժանացավ նաև ուսուցչի մանկավարժական տակեր: Նա դասարանը կառավարում էր բարձր կուլտուրայով, մանկավարժական տակերով, իր անձնական օրինակով ուղղորդում էր սովորողներին: Իսկ երիտասարդ ուսուցչուհի Ս. Բոյախյանի մոտ առկա են համապատասխան անձնային որակներ՝ նպատակալացություն, աշխատասիրություն, ինքնուրույնություն:

Գիշտ և նպատակային էին ընտրված նաև դիդակտիկ նյութերը, զննման պարագաները: Ապահովված էր դասի «Գրավիչ մուտքը»: Ա. Կիվկիշի «Տարվա եղանակներ» ջութակի կոմպոզիցիայի «Պարուն» սոնետի հնչյունների ներքո

արվային Ամերիկացիներ, Ամերիկացիներ և Ավստրալիացիներ: Գիտե՞ին, որ ամենամեծ մայրցամաքը Եվրասիան է, և որ մեր հայրենիքը՝ Հայաստանի Հանրապետությունը գտնվում է այդ մայրցամաքում:

Նրանք պատմեցին, որ Փյունիկյան հնագույն պետության մասին ունեցած գիտելիքներն իրենց օգնել են բացատրել Եվրասիա բառի առաջացումը: Գիտնականները կարծում են, որ փյունիկերեն «Ասու» և «Էրեբ» անուններն են, որ ինչ հունարենում դարձան «Ասիա» ու «Եվրոպա» և նրանցից էլ անցան մյուս ժողովուրդներին: Հետաքրքիր է նաև Աֆրիկա մայրցամաքը, որի կենտրոնական հատվածը չուսումնասիրելու պատճառով անվանում էին «մութ» մայրցամաք: Խոսեցին նաև Հյուսիսային և Հարավային Ամերիկացիների բաժանման հատվածի՝ Պանամայի նեղուցի, իսկ հետագայում կառուցված ջրանցքի մասին՝ որպես ծովային ճանապարհ: Դասը արդիականացվեց՝ կապելով համակարգիչների արտադրության հետ, որի ամենամեծ կենտրոնը գտնվում է Հյուսիսային Ամերիկայի Միլիկոնի հովտում: Նշվեց նաև, որ տեղեկատվական տեխնոլոգիաներից պետք է օգտվել չափավոր: Դասը կարևորվեց նաև նրանով, որ հանդես եկավ պատմական կերպար՝ Ք. Կոլումբոսը, ով հայտնագործել է Ամերիկան: Աշակերտները ներկայացրին, ըստ Կանսաս Ավետիսյանի թևավոր խոսքերի, աշխարհում «Կոլումբոսը և ծուն» դաստիարակչական մեծ նշանակություն ունեցող փոքրիկ պատմությունը: Շեշտը դրվեց դիմացինի և ընդհանրապես ուրիշների վախատանքը հարգելու գաղափարի վրա: Լսվեցին իմաստուն մտքեր բարի, ազնիվ, աշխարհը գեղեցկացնող աշխատանքի մասին:

Անցան մյուս մայրցամաքների՝«հետագոյնում»:

Ամերիկացիները աշակերտների մոտ տպավորվել է հատկապես նրա զարմանալի բնակիչների պինդկնիքների միջոցով: Վերհիշեցին պինդկնիքների մասին դիտած մուլտֆիլմը, նշեցին, որ պինդկնիքները բնակվում են մեծ խմբերով՝ գաղութներով, և որ նրանք էլ ունեն «մանկապարտեզ», ուր թողնում են իրենց ծագակներին, քանի դեռ հայրիկն ու մայրիկը «աշխատանքի» են գնում՝ կեր հայրաքայելու:

Հաջորդ մայրցամաքին անցան հարցադրման միջոցով:

Ո՞ր մայրցամաքն է հաճախ անվանում «Ազնվագույն» կենդանուհիներ» երկիր, և ո՞ր կիսագնդում է գտնվում:

Աշակերտներից յուրաքանչյուրը ցանկացավ ինքը պատասխանել հարցին, քանի որ իրենք ակտիվորեն մասնակցել են «Կենդանուհի» մաթեմատիկական խաղ-մրցույթին, և իրենց համար ճշմարիտ է կռախել, որ դա Ավստրալիա մայրցամաքն է, որի խորհրդանիշ համարվող կենդանին կենդանուհի է, իսկ մայրցամաքը գտնվում է հարավային կիսագնդում:

Կատարվեց ֆիզդադար: Կիրառվեցին աշխուժացնող վարժություններ, որոնք ավելի հետաքրքիր դարձրին դասը: Այսպես.

1. Երկրագունդ բառով կատարել «բառքանցի»:

2. Ձան, կուժ, վեթ բառերի բոլոր տառերն օգտագործելով՝ կազմել երկու նոր բառ, որոնք կապ ունենան գետի հետ:

Արագ կողմնորոշվելով՝ աշակերտները կարողացան ճիշտ կատարել առաջադրանքը: Ստեղծվեց առողջ մրցակցային ոգի: Աշխատանքը նպաստեց սովորողների բառապաշարի հարստացմանը, տրամաբանական մտածողության զարգացմանը:

Կատարվեց նաև բառաբացատրական աշխատանք՝ նորաստեղծ բառերի շուրջ.

Գոգ- փոս ընկած տեղ
Մխրձել – խլվել
Տիլմ – ցեխ
Ձիթնու – ջրային բույս
Ծանծաղ – ոչ խորը
Ուսուցչուհին հարց ու պատասխանի միջոցով մեկ անգամ ևս ստուգեց աշակերտների գիտելիքները:

Ո՞ր օվկիանոսն է ողողում՝
ա) 5 մայրցամաքի ափերը
բ) 4 մայրցամաքի ափերը
գ) 3 մայրցամաքի ափերը
դ) 2 մայրցամաքի ափերը
Աշակերտները բարձրացնում էին համապատասխան օվկիանոսը խորհրդանշող քարտը, և ուսուցչուհին այդպես ստուգում էր դասարանի բոլոր աշակերտներին:

Տպավորիչ էին և հետաքրքիր աշակերտների ձեռքի աշխատանքները, որոնց հանձնարարական ստացել էին միասպառ: Աստիղծ բրնձի հատիկները գունավորելով, իսկ Մանյան և Գոհարիկը գունավոր թելերով պատրաստել էին ամնոռուկ ծաղիկ: Աշխատանքները գեղեցիկ էին, ճաշակով, և նրանցից յուրաքանչյուրը յուրովի է պատկերել Հայոց մեծ եղեռնի 100-րդ տարելիցը խորհրդանշող ծաղիկը: Բացատրե-

ցին «Ամնոռուկ» խորհուրդը. ծաղկաթերթիկները խորհրդանշում են 5 մայրցամաքները, ուր սփռված է ողջ հայությունը, սև գույնը՝ եղեռնի սարսափն ու Ցեղասպանության մասին հիշողությունը, մանուշակագույնը՝ Ցեղասպանության դատապարտման ու ճանաչմանը մասնակց լինելը՝ «Հիշում են և պահանջում», դեղինը՝ հայ ժողովրդի ապրելու և արարելու հույսը: Այդ մասին է վկայում նաև վերջերս Բերդորի «Սուրբ Համբարձման» եկեղեցու հարևանությամբ բացված եղեռնի անմահ գոհերի հիշատակին նվիրված եղևնիների պուրակը:

Դասանյութի կապը ֆիզկուլտուրա առարկայի հետ և հետաքրքիր էր:

Նշեցին, որ օլիմպիական օղակների գույներից յուրաքանչյուրն էլ խորհրդանշում է մեկ աշխարհամաս, այսպես՝

Եվրոպա- կապույտ
Ասիա-դեղին
Ամերիկա-կարմիր
Աֆրիկա-սև
Ավստրալիա-կանաչ
Խոսեցին օլիմպիական խաղերի մասին, նաև գիտե՞ին, որ դեռևս Ք.ա. 776թ.Հին Հունաստանում կազմակերպվեցին աշխարհում առաջին օլիմպիական խաղերը, որին մասնակցել է մրցանակներ են շահել հայոց Տրդատ Մեծ և Վարազդատ թագավորները: Նշեցին նաև նորոյա օլիմպիական չեմպիոններին: Ուսուցչուհին ավելացրեց, որ նրանցից յուրաքանչյուրին բնությունը շնորհ և ուժ է պարգևել, քանզի՝

Բնության ուժն անսահման է:
Պահպանել բնությունը, նշանակում է պաշտպանել հայրենիքը:

Տպավորիչ էր այն, որ աշակերտը վստահ ասաց.«Մարդ պետք է ուղեբերով արժան գցի իր հայրենի հողում, բայց նրա աչքերը թող զննեն ամբողջ աշխարհը»: Նշվեց, որ իրենց աչքերն էլ են զննում ամբողջ աշխարհը, բայց քարտեզի միջոցով: Հանդես է գալիս «քարտեզ» աշակերտը, իսկ ընկերները մեկը մյուսին լրացնելով նշում էին, որ վաղ ժամանակներում, երբ մարդիկ ոչ գիր ունեին, ոչ տպագրելու հնարավորություն, փայտիկներով նկարում էին ավազի վրա, իսկ ավելի ուշ՝ ծառի կեղևի կտորների կամ կավե սալիկների վրա: Իսկ հետագայում քարտեզներ գծել են մագաղաթների վրա, որոնք պատրաստում էին հորթի կաշվից: Կապ ստեղծվեց մագաղաթյա գրքի՝ «Մշո ճառընտիր» հետ: Իսկ երբ մարդիկ ստեղծեցին թղթի գյուղը, սկսեցին քարտեզներ նկարել թղթի վրա:

Աշակերտները իրենց պատրաստած կենդանական և բուսական աշխարհը խորհրդանշող նկարներ- մայրցամաքներով կազմեցին աշխարհի քարտեզը:

Իսկ հետո նրանք համակարգիչներում բացեցին աշխարհի քարտեզը և իրենց հետաքրքրող մայրցամաքը, օվկիանոսը ներկեցին համապատասխան գույնով:

Տիկին Թամազյանը հիշեցրեց, որ պատին փակցված ռուսագարդ պատաստին անհամբեր սպասում է դեպի երկիր մուրախ թռչող «իրթիրթ»: Աշակերտները իրենց ցանկություններն ու բարեմաղաթները խաղաղություն, սեր, բարություն, ընկերասիրություն, հատուցում և այլն, գրեցին քարտեզի և տեղադրեցին պատաստին համապատասխան կտրվածքի վրա: Բառերը պատրաստվեցին «թռիչքով»: Դրանք կատարեց իր բարի «թռիչքը»: Պայթեց սկսված փայլերով: Հնչեց երեխաների ուրախ երգը, որով ցանկացան, որ երկիր մուրախը այսպես ուրախ ու խաղաղ արեգակի ուղեկցությամբ անվերջ պտույտի և դառնա ծով երջանկության մուրախ:

Դասի ընթացքում աշակերտները խրատակեցին և գնահատվեցին: աշակերտները: Գնահատականները հիմնավորվեցին:
Տրվեց տնային հանձնարարություն.
. ի՞նչ նոր բան իմացաք,
. ի՞նչը ձեզ զարմացրեց,
. ձեր բացահայտած մայրցամաքներից ո՞րն ավելի հետաքրքիր թվաց,
. ի՞նչը կուզենայիք տեսնել, ինչի՞ մասին կուզենայիք ավելի շատ բան իմանալ,
. եթե կնճան «բաց» հարցեր, կնշեք, հաջորդ դասին՝ անդրադառնալու համար:

Դասն անցավ փոխադարձ ջերմ մթնոլորտում, ուսուցիչները հասան իրենց նպատակին, քանի որ այն անցել էր նրանց մտքով ու սրտով: Դասն ուսանելի էր և ընդօրինակման արժանի:

Վերջում աշակերտներին իրենց ջերմ խոսքն ասացին դպրոցի տնօրեն Ա. Քոսակյանը և կրթության բաժնի տեսուչ Ժ. Ավագյանը:

Սվետլա ԴԱՐՎԱՑՈՋՅԱՆ
Բերդորի հ. 1 միջնակարգ դպրոցի
մեթոդախմբի անդամ և նախագահ,
դասալսման մասնակիցներ

100-ԱՄՅԱԿ

ՀՈՎԷՆԻՍՏԻ «ԱՆԻ» ՊՈՒՆՏԸ

Մի անգամ պապենական ջաղացներին կարոտած Ավ. Իսահակյանի հետ Հովհ. Շիրազը ծննդավայրից մեկնել էր քիչ հեռու՝ Գյումրի գետի հարավի աղացը, ուր դեռ աշխատում էր Իսահակյանի ազգական Բագրատ Իսակովը: Այս կապակցությամբ արձակ գրված ինքնագրություն Հովհ. Շիրազը նշում է. «Իրիկնացել էր, երբ ջրաղացի (անել) բաղադրում անուշ անելուց հետո Վարպետն ինձ ասաց. «Ելնե՛ք երդիկ, արևի մարվելը տեսնե՛ք»: Մենք բարձրացանք ջրաղացի կտուրը: Ավերակված Անին, պատռտված ծիրանին քիկունքին՝ թագուհու պես մեզ էր մայրում հանված աչքերով: Հեռվում, Ախուրյանի վրա ճերմակ շապիկները հանելով, կապույտ էին հագնում Վանանդի լեռները, որոնց վրայով դեպի այն կողմ մայրամուտ էր իջնում արևի ոսկեգույն սկավառակը: Երկար լուռ էիմք: Այս անգամ Վարպետն ինքն էր արևածաղիկ դառել: Մանուկի ման ալեմապիշ լռություն էր բռնում շուրթերին, բայց աչքերն արևի հետ էին. կարծես վախենում էր, թե արևն էլ ետ չէր գալու: Մենք ոգիացած էինք: Երբ մի անգամ էլ դարձանք դեպի Անիի պարիսպները, Ավետիքն ասաց. «Շիրազ ջան, Օհանեսն ուզում էր, բայց չհասցրեց, քանի որ դու էլ Օհանեսն ես, այն էլ դեռևս մատաղ աղբյուր, մտածիր մի պոեն գրել Անիի մասին»: Ես ասացի. «Վարպետ, մտքիս մեջ ուրում եմ վաղուց, մանավանդ, երբ կարդացի քո հուշերը Թումանյանի մասին, ուր հիշվում է, թե Թումանյանն ուզում էր պոեն գրել Անիի Օհանեսն Սմբատ թագավորի կյանքից: Ահագին էլ գրի եմ առել: Թումանյանը չէր կարող գետնաքարշ որսի վրա գնալ» (Հ.Շ., Մի փետուր իմ արծիվ կյանքից, Ե., 1984թ., էջ 58):

Հանձարեղ ստեղծագործող Հովհ. Շիրազի՝ մոտավորապես երեք հարյուր էջի հասնող «Անի» պոեմը գրվել է նախորդ դարի կեսին, բայց հրատարակվել է 2011 թ. (կազմող՝ Աստղիկ Կարապետյան (Շիրազ), խմբագիր՝ Ս. Մուրադյան) և ունի երեք մաս՝ քսանչորս գլուխ: Հայ ժողովրդի մի մասն այդ գործին իրազեկվել է 2012 թ. (մի մասն առ այսօր գաղափար չունի. վաճառքը՝ ներկա սովորական պատվերային): Պոեմի մուտքը դառնում է Անիի պարսպադարձը բանդակված խորհրդանշական «...ինստուն առյուծի ահեղ մոնչունը՝ ծնված կարոտի կակիճից և դարավոր առյուծայնի զգացողությունից» (Ս. Մ. Մխիթարյան): Այդ պարսպի առհավատյալ խորհրդանշանը քանդակը տաղանդաշատ ճարտարապետ, հզոր ու անմահ Տրդատի, ճարտար շինարարների և հայ ժողովրդի արդյունքն է:

Որպես բարացած աղբյուրներն Հայոց, Հայոց մեղեդիք... Անին բարացած երածշուռություն՝ հասած մինչ երկինք (էջ 36): Բանաստեղծի խոր մորմոքն հազարամյա վիրավոր մայրաքաղաքի նկատմամբ անչափ էր, որովհետև չունեի անգամ մի թռչունի իրավունք, որն ազատ թևածոն է հայոց երբեմնի փառքի բաղաձուր, որտեղ ուզում՝ նստում: Այդտեղ եղած հայկականը անգործն թալանված, սեփականացված, հոշոտված է բարբարոս այլազգու կողմից: Այգաբացը հույս և ուժ էր ներարկել հայրենասեր բանաստեղծի գեղագիտական երևակայությանը: Արդի պայմաններում Հայաստանում հայի խորհրդանշանը դեռ չարմատացած Արագածն այգաբացին արփիագոծ ծիրանի է առաքում Անիի նյութեղեն ավերակներին: Սկսվում է հրաշք գարթոնքը: Հեղինակի գեղագիտական երևակայությունը գործել է ճանաչված ու երազուն նկարագրությամբ... Քարավանները մեղմահունչ զանգակների ծլնոցով, հանդարտ ու շորորուն ներս են մտնում Անի: Կյանքը պարիսպներից ներս վերակենդանանում էր: Առանձնանում էին դեռատի հայրիկները, փայլում անզուգական գեղեցկությամբ ու շքեղությամբ: Ահա Տրդատ ճարտարապետի հոյազեղ դուստր Այծեմիկը, որից սքանչացած պարսիկ մի վաճառական մրմնջում էր.

Մի՞թե հայուհիք այսքան չքնաղ են՝ պարսկուհուց էլ վեր (էջ 28): Սպարապետ Պահլավունին գործը տանում էր վարժանքի: Մի ծեր կին պատանի թռանը ստիպում էր համբուրել գորավարի փեշը, որով Հովհ. Շիրազը շեշտում էր ժողովրդի հայրենասիրությունը, զենքի, ուժի պաշտամունքը: Վեհ է անկեղծ ակնածանքն ու հարգանքը հզոր ու վեհամեծ ուժի առջև: Գագիկ մեծ արքայի (Գագիկ Առաջին՝ 990-1020) թուլամորթ ու աչքածակ գավակները՝ թույլ թագավոր, հզոր արեղա Օհանը (Հովհաննես-Սմբատ՝ 1020-1041. Նա գրքի քաջ է և ոչ թե գեներ. էջ 39) և Աշոտը, անհաշտ դիրք են բռնել հայրական գահի համար: Արքաեղբայր Աշոտը խաբեությանը իր մոտ է կանչում, գերում նորատի արքա եղբորը: Դրությունը փրկում է Պահլավունյաց ազդեցիկ իշխանների միջամտությունը: Ցավով լցված Օհան-Սմբատն իբր վշտից իրեն հանձնում է

խմիչքին: Օրհասական վիճակում գտնվող Արևմտյան Հայաստանի հայության ազդեցիկ ներկայացուցիչներն արքայի ոտքերն են ընկել, օգնություն հայցել: Անգամ մեկն իմաստնախոսում էր.

...գործով գնամ, Գուցե ազգով վերադառնամ (էջ 57):

Մերժում ստանալով՝ վերջինս ինքնասպան է լինում: Արծրունյաց Սենեքերիմ անարի արքան Վասակ Սյունեցու մահն ընդհատել էր արքայի գործում: Այդ անարժան արքան հայաթափել է Վասակունական աշխարհը, իբր խուսափում էր բյուզանդացիների արյունահեղությունից: Ժողովուրդն արդեն «Կռունկ» էր երգում... Սկսում էր թուլանալ Անին: Նվազում էր առևտուրը: Խուսափում էին անգամ օտար մեծահարուստ վաճառականները: Ծորում էին տխրամած երգերը. «...Հայոց մուսան հզորանում է, բայց մարում է ռազմական հանձարը, և թուլանում հայի բազկի ուժը» (Ս. Մ. Մխիթարյան):

Մեծ հեղինակը երկրորդ մասում անհիմաստ իմաստնախոս արքայի փիլիսոփայությունն է վերլուծում, որը հայրենիքին փրկություն չէր բերել: Կաթողիկոս Պետրոս Գետադարձը հնազանդություն էր քարոզում՝ դեղ չկա հայոց ցավին: Արքայի կողմից սպարապետ Պահլավունին գրկվում է տիտղոսանիշ մատանուց՝ պատերազմելու իրավունքից: ճարտարապետ Տրդատը մեկնում է Բյուզանդիա՝ հայկական ծագում ունեցող կայսրի կանչով ու նրան ծառայում՝ շենացնում Կ. Պոլիսը՝ արքայի պալատի կամարը կապում: Դվոն խանն ու արքա խալիֆը նոր պահանջներ էին դնում: Հայրենյաց հողի ողբը թույլ ու անզոր գուսանի՝ ողբերգուհի և մատենագրի աշխատանք էր դառնում: Ահա հզոր Շիրազի բառացի առաջընթացը, որը նաև Տրդատ Մեծի վիշտը և հավերժությունը պոեմում էր արտահայտել:

Ինչպես ասեմ քեզ Հայաստան, Երբ Տրդատի դատը չունես, Երբ գերի եմ Վան ու Ոստան, Երբ քո Մասիս սարը չունես (էջ 120):

Վերջին մասում արքան, իր մեղքերը բավելու համար, Անի վերադարձած Տրդատին պատվիրել էր Ախուրյանի ափին Հռոմոնոսի վանքը կառուցել: Հովհ. Շիրազը նույնիսկ նկարագրել է անթույլատրելի՝ արքայի պարսկուհի հարձն արքայից պահանջել է մզկիթ կառուցել՝ կրծքի տակ գահածառանգ կրելու համար: Արքան հարձի երեսին է նետել իր ամուսնունը և մահ սպառնացել: Ահագարիուր հարձը խոստովանել էր կեղծիքը: Ջայրացած արքան մեկնել է Անիի արքայական գերեզմանոց՝ մեջեջյալ մեծությունների առաջ ապաշխարելու: Հերոսական անցյալի ու թշվառ ներկայի հակադրությունն առավել է սրվել: Կաղնու գետնամած փչակուն թակարդվել է ձիու սմբակը: Գեղագիտական պատկերի այլաբերությունը խորացել է: Գերեզմանոցից դուրս են ելել հերոս արքայական ոգիները, պատասխանատվություն պահանջել: Մայրն անեծք է թափել որդու գլխին: Այլընտրանք չունեի պայքարի չելած արքա Օհան-Սմբատը: Անհիմաստ զոլում էր ապրում: Բայց սպանել է տալիս հարձկնոցը: Սպարապետին սուրը կապել է տալիս և ստիպում էլնել հույների դեմ կռվի, Տեր Պետրոսին կալանավորել տալիս, իսկ ինքը նորակառույց Հռոմոնոսի նորակառույց վանքում՝ Քրիստոսի պատկերի առաջ, վերջ տալիս իր անփառունակ կյանքին: Ժողովուրդն անհոնում էր արքային: Քաղաքը շրջապատվում է բյուզանդական զորքով: Հարձակվում էին պարսիկները: Փլուզվում էր նաև վանքի հասարակ որսկան Վարազիկի ու անեցի Այծեմիկի (Այծեմիկ) անաղարտ սերը (Այծեմիկի հերոսական կերպարին ծավալում անդրադարձել է նաև Լյուդվիգ Դուրյանը): Պետության թշնամիներից բացի ծնվել է ահագարիուրը՝ ԱՐՏԱԳԱՂԹԸ: «Հայկեն Անին ու նոր մեռնեն» երազանքը մնացել է մեծ Շիրազի պատգամ-խոսքում, որը նաև հնչեցվել է առավել հնարավոր իրական տեսքով. «Ախ, թեկուզ լուռ, դեռ ավերակ, տեսնեն Անին ու նոր մեռնեն»: Ամբողջ պոեմը կառուցված է շիրազյան պարզությամբ, ավանդական տաղաչափական արվեստով, հանգավորման բարեհունչ համաչափությամբ, նորարարական բառային կառույցներով, տեսլական հնչեղ ու հոգեմոտ նկարագրություններով, գեղագիտական ավանդական և անզուգական պատկերային ու արտահայտչական հնարամտություններով:

Ս. ՄԻԱՍՅԱՆ
Բ. Գ. Թ., ղոցնկա

Էմմա ՊԵՏՐՈՍՅԱՆ

ՀԱՅՏԱՐԱՐՈՒԹՅՈՒՆ

Հուշիկ Եզնիկ Սոզյան արհեստագործական ուսումնարանը(ԵՍԱՈՒ) հայտարարում է 2015-16 ուստարվա ընդունելություն՝ հետևյալ մասնագիտությունների գծով.

- Ջերմամեղմեղմիկ սարքավորումների և ջերմային ցանցերի տեխնիկական շահագործում
- Շենքերի և կառույցների սանիտարատեխնիկական սարքավորումներ
- Շինարարամոնտաժային և վերանորոգման աշխատանքների իրականացում
- Հարդարման շինարարական աշխատանքների իրականացում

Ուսումնարանը ապահովված է հանրակացարանով, ճաշարանով, լիարժեք սարքավորված արհեստանոցներով, համակարգչային լսարաններով, գրադարանով, մարզասրահով և սպորտային հրապարակով: Ուսումնարանի արտադրական ուսուցման վարպետները և տնօրինությունը վերապատրաստ-

վել են ֆրանսիական արհեստագործական ուսումնարաններում և շինարարական ընկերություններում:

Ուսումնարանի սովորողները սովորելուն զուգահեռ աշխատելու են շինարարական ընկերություններում, ստանալու են պետական կրթաթոշակ և աշխատավարձ:

Ընդունելությունը կազմակերպվում է 9-ամյա կրթության հիմքի վրա՝ անվճար հիմունքներով: Ուսման տևողությունը 3 տարի է, շրջանավարտներին տրվում է պետական մոնիթինգով:

Դիմումներն ընդունվում են սույն թվականի հունիսի 1-ից մինչև օգոստոսի 25-ը, ամեն օր, բացի շաբաթ և կիրակի օրերից, ժամը 10:00-ից 16:00:

Դիմումների համար այցելել ք. Ստեփանակերտ, Թումանյան փ. 62, ԼՂՀ կրթության և գիտության նախարարություն, 2-րդ հարկ, 3-րդ սենյակ:

Մանրամասների համար զանգահարել (097) 35 71 93, (097) 12 62 76

Անհրաժեշտ է ներկայացնել հետևյալ փաստաթղթերը՝

- դիմում (լրացվելու է տեղում)
- 3 x 4 չափի երկու գունավոր լուսանկար (վերջին մեկ տարվա)
- ավարտական վկայականը (բնօրինակ)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԽԱՆԱԿ ԽՄԲԱԳԻՐ՝ Ս. ԽԱԶԱՏՐՅԱՆ	Հիմնադիր՝ «Հուսարար» ՓԲԸ	Ստեփանակերտ, Հ. Թումանյան փ. 95, ☎ 94-38-99, E-mail: gorceter@mail.ru: www.lusarar.info	Մեջբերումների եւ փաստական տվյալների ստույգությունն ապահովում են հեղինակները: Թերթը ընթերցողների հետ գրագրություն վարելու պարտավորություն չի ստանձնում:	Տպագրվում է Ստեփանակերտի «Դիզակ պյուս» ՍՊԸ-ում: Տպաքանակ՝ 3140: Ծավալը՝ տպագրական 2 մամուլ: Ստորագրված է տպագրության՝ 30.05.2015թ.:
---	-----------------------------	---	--	---

«Հուսարար» թերթը տարածվում է միայն բաժանորդագրությամբ: